

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-_____/17

Datum: _____.2017. godine

PRIJEDLOG

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj ____sjednici održanoj dana _____2017. godine donosi

**ODLUKU
o načinu rasporeda budžetskih
i drugih sredstava za dugoročnu podršku realizaciji kapitalnih projekata**

Član 1.

Temeljni kriteriji za raspodjelu sredstava, namijenjenih za podršku realizaciji kapitalnih projekata na području općine Tešanj u periodu 2016-2020 godina, bit će broj stanovnika na području svake mjesne zajednice u kojoj (kojima) se projekat realizira (Parametri za određivanje broja stanovnika na području svake mjesne zajednice bit će godišnje ažurirani podaci o broju vlasnika ličnih karata (CIPS)). Općina Tešanj će u realizaciji kapitalnih projekata u mandatnom periodu 2016-2020 godine ravnomjerno finansirati kapitalne projekte na području svih mjesnih zajednica iz budžetskih sredstava općine i budžetskih sredstava drugih nivoa vlasti, koliko prijedlozi i prioriteti općine budu uvažavani.

Član 2.

Utvrđuje se iznos minimalno 60 (šezdeset) % ukupnih sredstava planiranih za realizaciju projekata u jednoj godini za podršku realizaciji kapitalnih projekata u mjesnim zajednicama. Projekti za mjesne zajednice će se utvrđivati na osnovu prijedloga od mjesnih zajednica, te kao takvi će biti predloženi u godišnjoj odluci/Listi kapitalnih ulaganja.

U slučajevima u kojima Općina finansira čišćenje divljih deponija na području neke mjesne zajednice, nastali troškovi će biti obračunati sa stavke predviđene za projekte za tu mjesnu zajednicu u narednoj godini. Početak primjene ovakvog obračuna troškova čišćenja divljih deponija će biti za 2018 godinu, sa podacima iz 2017.

Član 3.

Utvrđuje se iznos do 20 (dvadeset) % ukupnih sredstava planiranih za realizaciju projekata u jednoj godini za podršku realizaciji kapitalnih projekata od općeg interesa na području općine Tešanj. Projekti od općeg interesa na području općine Tešanj su projekti koji obuhvataju potrebu i korist za sve građane općine Tešanj, iz bilo koje oblasti života, zatim projekti podrške razvoju privrede, poljoprivrede, turizma ili drugih djelatnosti korisnih za razvoj lokalne zajednice. Projekti od općeg interesa mogu se realizirati i na pojedinačnim područjima, kada Općinsko vijeće potvrdi svojom odlukom takvu podršku. Svi projekti od općeg interesa će se usvajati na sjednici Općinskog vijeća zajedno sa drugim projektima koji će se realizirati u svakoj godini.

Član 4.

Utvrđuje se iznos do 20 (dvadeset) % ukupno planiranih sredstava za realizaciju projekata u jednoj godini za podršku realizaciji projekata solidarnosti.

Projekti solidarnosti mogu obuhvatati, projekte kojim se rješavaju vanredne situacije u bilo kojoj sredini (klizišta, odroni, prirodne nepogode, epidemije i drugo), a koje nisu mogle biti planirane u okviru redovnih projekata, jer se nije znalo da će se dogoditi.

Projekti solidarnosti mogu biti i projekti rješavanja nužnih infrastrukturnih pitanja u sredinama u kojima podrška realizaciji tih projekata na osnovu temeljnog kriterija (broja stanovnika) nije dovoljna.

Član 5.

Mjesne zajednice koje ne budu obuhvaćene u raspodjeli jedne godine, bit će predmet raspodjele sredstava za kapitalne projekte naredne godine i dalje sve dok se ne uravnoteži podrška kroz budžetska izdvajanja na osnovama raspodjele prema kriterijima iz člana 1. ove Odluke u vremenskom okviru ovog mandatnog perioda. Kod raspodjele sredstava i dalje se očekuje učešće građana u finansiranju projekata a prilikom kreiranja liste vodit će se računa i o ulaganjima u mjesne sredine proteklih godina.

Član 6.

Mjesne zajednice kod kojih su u toku ili trebaju biti uvršteni u realizaciju projekti vodosnabdijevanja i kanalizacije moraju biti prioritetni u odnosu naostale. Prilikom raspodjele sredstava u obzir će se uzeti i potpisani ugovori o načinu vraćanja dugova mjesnih zajednica iz ranijeg perioda.

Član 7.

Stupanjem na snagu ove Odluke stavlja se van snage "Odluka o načinu raspodjele budžetskih i drugih sredstava za dugoročnu podršku u realizaciji kapitalnih projekata" (Službeni glasnik Općine Tešanj broj 10/05 i 3/13).

Član 8.

Ova Odluka stupa na snagu narednog dana od dana objavljivanja u "Službenom glasniku Općine Tešanj", a primjenjivat će se kod planiranja kapitalnih ulaganja u 2017 godini, zaključno sa krajem budžetske 2020. godine.

PREDSJEDAVAJUĆI OV

Senad N. Subašić, dipl.ecc

O b r a z l o ž e n j e

PRAVNI OSNOV

Pravni osnov za donošenje Odluke sadržan je u Zakonu o principima lokalne samouprave ("Službene novine FBiH", broj: 49/06 i 51/09) i članu 14. Statuta Općine Tešanj ("Službeni glasnik Općine Tešanj" broj 11/07);

Razlozi za donošenje


Obzirom da je ranija odluka o načinu raspodjele sredstava za kapitalna ulaganja u budžetu općine Tešanj bila vezana za mandatni prethodni period postoji potreba za donošenjem nove Odluke. Kao najbolji i najadekvatniji parametar predložen je broj stanovnika (radi preciznosti broj vlasnika lične karte), a što će doprinijeti uravnoteženom ulaganju u svim sredinama na nivou mandatnog perioda a što je i do sada bio osnovni parametar. Uzimajući u obzir stvarne budžetske mogućnosti kao i finansijsku potrebu za neke od projekata ovom odlukom smo definisali način kako da sredstva ravnomjerno rasporedimo u svim mjesnim sredinama, a istovremeno da ne cijepamo projekte ili neke cjeline koje se ne mogu dijeliti. U odnosu na raniji period uvršteno je da se u raspored troškova obračunava i trošak uklanjanja deponija iz prethodne godine.

Dostavljeno:

1. Općinsko vijeće
2. Arhiva

OBRADIVAČ

Služba za društvene djelatnosti i investicije


Azra Muslija, dipl. pravnik


PREDLAGAČ
OPĆINSKI NAČELNIK

Mr. sci. Suad Huskić

Broj: 02-02-1-425-2/17
Datum: 22.02.2017. godine

Član 49.

Komunalno preduzeće će u saradnji sa nadležnim općinskim službama stvarati pretpostavke i uslove za preuzimanje i upravljanje i drugih seoskih/mjesnih komunalnih objekta, za koje to nije učinjeno da donošenja ove Odluke a na način propisan u članu 3. ove Odluke.

Član 50.

Stupanjem na snagu ove Odluke prestaje da važi Odluka o vodovodu i kanalizaciji («Službeni glasnik Općine Tešanj», broj: 7/87,8/88,6/96,5/99,3/03).

Član 51.

Ova Odluka stupa na snagu narednog dana od dana objavljivanja u «Službenom glasniku Općine Tešanj», a primjenjivat će se od 01.01.2006. godine.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Rasim Omerbašić, s. r.**

Broj: 01-02-1-1718-3/05.

Datum: 28.11.2005. godine

Na osnovu člana 13. Statuta Općine Tešanj ("Službeni glasnik Općine Tešanj", broj: 1/03 i 8/04) i Zaključka Općinskog vijeća broj: 01-27-4-204-4/05 od 29.04.2005. godine ("Službeni glasnik Općine Tešanj", broj: 4/05), Općinsko vijeće Tešanj na svojoj 13. sjednici, održanoj dana 28.11.2005. godine, donosi

ODLUKU**o načinu rasporeda budžetskih
i drugih sredstava za dugoročnu podršku
realizaciji kapitalnih projekata****Član 1.**

Temeljni kriteriji za raspodjelu sredstava, namjenjenih za podršku realizaciji kapitalnih projekata na području općine Tešanj, bit će broj stanovnika na području svake mjesne zajednice u kojoj (kojima) se projekat realizira. (Parametri za određivanje broja stanovnika na području svake mjesne zajednice bit će ažurirani birački spiskovi, baza podataka o broju stanovnika po mjesnim zajednicama rađena od strane organa uprave i zvanični popis stanovništva).

Član 2.

Utvrđuje se iznos od 20 (dvadeset) % ukupnih sredstava planiranih za realizaciju projekata u jednoj godini za podršku realizaciji kapitalnih projekata od općeg interesa na području općine Tešanj. Projekti od općeg interesa na području općine Tešanj su projekti koji obuhvataju potrebu i korist za sve građane općine Tešanj, iz bilo koje oblasti života, zatim projekti podrške razvoju privrede, poljoprivrede, turizma ili drugih djelatnosti korisnih za razvoj lokalne zajednice. Projekti od općeg interesa mogu se realizirati i na pojedinačnim područjima, kada Općinsko vijeće potvrdi svojom odlukom takvu podršku. Svi projekti od općeg interesa će se usvajati na sjednici Općinskog vijeća zajedno sa drugim projektima koji će se realizirati u svakoj godini.

Član 3.

Utvrđuje se iznos od 20 (dvadeset) % ukupno planiranih sredstava za realizaciju projekata u jednoj godini za podršku realizaciji projekata solidarnosti.

Projekti solidarnosti obuhvataju projekte kojim se rješavaju vanredne situacije u bilo kojoj sredini (klizišta, odroni, prirodne nepogode, epidemije i drugo) a koje nisu mogle biti planirane u okviru redovnih projekata, jer se nije znalo da će se dogoditi.

Projekti solidarnosti mogu biti i projekti rješavanja nužnih infrastrukturnih pitanja u sredinama u kojima podrška realizaciji tih projekata na osnovu temeljnog kriterija nije dovoljna.

Općinski načelnik će, shodno ovome, predložiti Vijeću ograničenu listu projekata solidarnosti dok će izvještavati Vijeće o utrošku ovih sredstava najkasnije 60 dana od dana nastajanja potrebe za tim sredstvima.

Član 4.

Projekcija ukupnih očekivanih sredstava, za podršku realizaciji svim kapitalnim projektima, će se izraditi na temelju podataka o uložnim sredstvima iz 2004. i 2005. godine iz svih izvora.

Ova projekcija će biti urađena na period od pet godina, i ista će se svake godine ažurirati i dostavljati Općinskom vijeću na odlučivanje nakon donošenja odluke o budžetu za narednu godinu. (općina, kanton i drugi).

Projekcija očekivanih sredstava podrške realizaciji kapitalnih projekata je poseban akt koji donosi Vijeće na prijedlog Općinskog načelnika.

Član 5.

Učešće građana u finansiranju kapitalnih projekata se i dalje očekuje, i planira ali tako prikupljena sredstava ne ulaze u ukupna sredstva tretirana ovom odlukom, niti su predmet razmatranja ove odluke.

Član 6.

Donošenjem ove Odluke stavlja se van snage ranije donesena "Odluka o politici raspodjele budžetskih sredstava za kapitalne projekte" sa Kriterijima rangiranja projekata broj: 01-02-2-598/04 od 28.02.2004. godine.

Član 7.

Ova Odluka stupa na snagu narednog dana od dana objavljivanja u "Službenom glasniku Općine Tešanj", a primjenjivat će se od 01. januara 2006. godine.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA****Rasim Omerbašić, s. r.****Broj: 01-02-1-2802/05.****Datum: 28.11.2005. godine**

Na osnovu člana 13. Statuta Općine Tešanj ("Službeni glasnik Općine Tešanj", broj: 1/03 i 8/04) i člana 4. Odluke o politici raspodjele budžetskih sredstava za kapitalne projekte ("Službeni glasnik Općine Tešanj", broj: 2/04), Općinsko vijeće Tešanj na svojoj 13. sjednici, održanoj dana 28.11.2005. godine, donosi

O D L U K U**o fazama realizacije projekta
"Vodosnabdijevanje Pousorja"****Član 1.**

Finansijska realizacija projekta "Vodosnabdijevanje Pousorja" dijeli se na tri faze.

Prva faza uključuje finansijska sredstva u visini od **650.000,00 KM** koja se imaju realizovati do kraja tekuće 2005. godine.

- Prva faza obuhvata izgradnju priključnog šahta, rasteretne komore, dva rezervoara (R1 i R2 sa pumpnom stanicom), te potisnog cjevovoda do rezervoara R1 (sa elektro i gromobranskim instalacijama);

Druga faza uključuje finansijska sredstva u visini od **1.210.000,00 KM** koja će biti realizovana u budžetskoj 2006. godini.

- Druga faza podrazumjeva izgradnju potisnog cjevovoda od rezervoara R1 do R2 u dužini od 4.361 m sa dijelom razvodne mreže u dužini cca 12.000 m (po definiranim prioritetima);

Treća faza sa ukupnim iznosom od **867.332,00 KM** će biti realizovan u 2007. godini i na taj način bi bila zatvorena finansijska konstrukcija samog projekta sa ukupnim iznosom u visini od **2.770.000,00 KM**.

- Treća faza podrazumjeva izgradnju preostalog dijela razvodne mreže (cca 14.000 m), te ostale radove do završetka projekta.

Ovdje treba naglasiti da je u istražne radove u toku 2004. godine utrošeno **42.668,00KM**, te da nije uračunata vrijednost projektne dokumentacije od **43.000,00KM**.

Član 2.

Planirani izvori finansiranja projekta "Vodosnabdijevanje Pousorja" su sljedeći:

- budžet Općine Tešanj: **43.000,00 KM**;
- ZE-DO kanton: **620.000,00 KM**;
- JP " Za vodno područje slivovi rijeke Save": **707.000,00 KM**;
- Kreditno zaduženje Općine Tešanj (program Svjetske banke): **200.000,00 KM**;
- Učešće lokalnog stanovništva: **1.200.000,00 KM** (Od toga u 2006. godini planirano **700.000,00 KM** a u 2007. godini **500.000,00 KM**).

Član 3.


Lokalnom stanovništvu koje bude finansijskim sredstvima učestvovalo u projektu priključna taksa bit će **200,00 KM**.

Član 4.

Za realizaciju projekta "Vodosnabdijevanje Pousorja" odgovorni su Općinski načelnik i organi u tri mjesne zajednice u kojima se radi projekat.

Član 5.

Ova Odluka stupa na snagu narednog dana od dana objavljivanja u "Službenom glasniku Općine Tešanj".



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj	Godina XLVI - Broj 3	ŠTAMPA: Općina Tešanj
UREĐUJE: Stručni odjel Općine	Srijeda, 10.04.2013. godine	Kompjuterska priprema: Stručni odjel Općine
Tel. 032/650-022 Trg Alije Izetbegovića 11, 74260 Tešanj E-mail: optesanj@bih.net.ba	TEŠANJ	“Službeni glasnik” izlazi po potrebi

Na osnovu člana 13. stav 2. alineja 3. Zakona o principima lokalne samouprave u FBiH (“Službene novine FBiH” broj 49/06) i člana 14. Statuta Općine Tešanj (“Službeni glasnik Općine Tešanj” broj 11/07) Općinsko vijeće na svojoj 6. sjednici održanoj 05.04.2013. godine donosi

ODLUKU o usvajanju Strategije razvoja općine Tešanj 2018.

Član 1.

Ovom Odlukom usvaja se Strategija razvoja općine Tešanj 2018. kao temeljni dokument kojim su definisani strateški pravci razvoja općine Tešanj.

Član 2.

Zadužuje se Općinski načelnik da definira prioritete i odredi nosioce za dostizanje postavljenih ciljeva na godišnjem nivou.

Pored toga, Općinski načelnik je u obavezi najmanje jednom godišnje informisati Općinsko vijeće o stepenu realizacije postavljenih ciljeva, te predlagati izmjene i dopune postavljenih ciljeva.

Član 3.

Sredstva potrebna za realizaciju postavljenih ciljeva u Strategiji razvoja općine Tešanj osiguravaju se kroz budžet općine, kroz budžete viših nivoa vlasti, vanbudžetske fondove, te kroz sredstva grantova drugih domaćih i međunarodnih institucija.

Član 4.

Stupanjem na snagu ove Odluke prestaju da važe:

1. Odluka o usvajanju Strategije za dostizanje Vizije općine Tešanj (“Službeni glasnik Općine Tešanj” broj 7/06 i 6/07),
2. Odluka o usvajanju Strategije razvoja općine Tešanj 2007-2015 (“Službeni glasnik Općine Tešanj” broj 11/07),
3. Odluka o usvajanju Strategije podrške mladima općine Tešanj za period 2010-2015 (“Službeni glasnik Općine Tešanj” 1/10) i
4. Odluka o usvajanju Strategije razvoja socijalne

zaštite općine Tešanj za period 2012-2017. godina (“Službeni glasnik Općine Tešanj” broj 3/12).

Član 5.

Ova Odluka stupa na snagu osmog dana od dana objavljivanja u “Službenom glasniku Općine Tešanj”.

OPĆINA TEŠANJ **OPĆINSKO VIJEĆE**

PREDSJEDAVAJUĆI VIJEĆA **Fuad Šišić, s. r.**

Broj: 01-49-2-140-5/13.

Datum: 08.04.2013.godine

Na osnovu člana 14. Statuta Općine Tešanj Općine Tešanj (“Službeni glasnik Općine Tešanj” broj 11/07) Općinsko vijeće na svojoj 6. sjednici održanoj dana 05.04.2013. godine donosi

ODLUKU o izmjeni i dopuni Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata

Član 1.

Ovom odlukom vrši se izmjena i dopuna Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata.

U članu 1. poslije riječi “namjenjenih za realizaciju kapitalnih projekata na području općine Tešanj” dodaju se riječi “u periodu 2012.-2016. godina”.

Član 2.

Iza članu 1. dodaje se član 1a koji glasi: “Općina Tešanj će u realizaciji kapitalnih projekata u mandatnom periodu 2012.-2016. godine ravnomjerno finansirati kapitalne projekte na području svih mjesnih zajednica iz budžetskih sredstava općine i budžetskih sredstava drugih nivoa vlasti, koliko prijedlozi i prioriteta općine budu uvažavani”.

Član 3.

U članu 2. riječi "Utvrđuje se iznos od 20 (dvadeset) %" se mijenja i glasi "Utvrđuje se iznos od najmanje 15 (petnaest) % do 20 (dvadeset) %".

Član 4.

U članu 3. riječi "Utvrđuje se iznos od 20 (dvadeset) %" se mijenja i glasi "Utvrđuje se iznos od najmanje 15 (petnaest) % do 20 (dvadeset) %". Stav u članu 3. stav 4. se briše.

Član 5.

Član 4. se mijenja i glasi će:

"Mjesne zajednice koje ne budu obuhvaćene u realizaciji tekuće godine, biće predmet raspodjele sredstava za kapitalne projekte naredne godine i dalje sve dok se ne uravnoteži podrška kroz budžetka izdvajanja na osnovama raspodjele prema kriterijima iz Člana 2. ove Odluke u vremenskom okviru ovog mandatnog perioda. Kod raspodjele sredstava i dalje se očekuje učešće građana u finansiranju projekata a prilikom kreiranja liste vodit će se računa i o ulaganjima u mjesne sredine proteklih godina".

Član 6.

Član 5. se mijenja i glasi će:

"Mjesne zajednice kod kojih su u toku ili trebaju biti uvršteni u realizaciju projekti vodosnabdijevanja i kanalizacije moraju biti prioritetni u odnosu na ostale. Prilikom raspodjele sredstava u obzir će se uzeti i potpisani ugovori o načinu vraćanja dugova mjesnih zajednica iz ranijeg perioda".

Član 7.

Donošenjem ove Odluke mijenja se ranije donesena Odluka o načinu rasporeda budžetskih i drugih sredstava za dugoročnu podršku realizaciji kapitalnih projekata broj 01-02-1-2802/05 od 28.11.2005. godine i stavlja se van snage Odluka o načinu rasporeda budžetskih sredstava za podršku realizaciji kapitalnih projekata u 2010. godini broj: 01-02-1-623/10 od 11.02.2010. godine.

Član 8.

Ova Odluka stupa na snagu narednog dana od dana objavljivanja u "Službenom glasniku Općine Tešanj", a primjenjivat će se od 01. januara 2013. godine do kraja 2017. godine.

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Fuad Šišić, s. r.**

Broj: 01-49-2-283-28/13

Datum: 08.04.2013. godine

o izvršavanju budžeta Općine Tešanj za 2013. godinu ("Službeni glasnik Općine Tešanj", broj: 10/12), Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata broj 01-02-1-2802/05 od 28.11.2005. godine, Odluke o izmjeni i dopuni Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata broj 01-49-2-283-28/13 od 08.04.2013. godine, Zaključkom Općinskog vijeća od 28.02.2013. godine donešenog na 5. sjednici Općinskog vijeća i Odluke o načinu rasporeda i korištenja finansijskih sredstava prikupljenih po osnovu kontinuirane naknade od koncesija („Službene novine Zeničko-dobojskog kantona“, broj: 01/13), Općinsko vijeće na svojoj 6. sjednici održanoj dana 05.04.2013. godine donosi

ODLUKU

o usvajanju Liste kapitalnih projekata za 2013. godinu

Član 1.

Odlukom o usvajanju Liste kapitalnih projekata utvrđuju se projekti koji će biti finansirani iz sredstava Budžeta Općine Tešanj za 2013. godinu na poziciji „Kapitalna ulaganja (sredstva budžeta, učešće mjesnih zajednica i GSM sredstva)“ i „Utrošak sredstava od koncesija“, te određuju prioritete za kandidovanje višim nivoima vlasti.

Član 2.

Općinski načelnik će dostaviti zahtjev višim nivoima vlasti za sve projekte koji su navedeni u tabelarnom prilogu ove odluke za koje se očekuje podrška realizaciji projekata na području općine Tešanj, a koji u ovoj godini do sada nisu kandidovani i urgenciju za već kandidovane projekte.

Član 3.

Općinski načelnik po potrebi i u saradnji sa nadležnim organima mjesnih zajednica, može preraspoređivati sredstva za planirane projekte, vodeći računa o ukupnom planiranom iznosu sredstava za odgovarajuću mjesnu zajednicu.

Član 4.

Realizacija svih navedenih projekata zavisit će od dinamike punjenja budžeta Općine i drugih izvora (učesće građana) koji učestvuju u realizaciji projekata, te podršci viših nivoa vlasti.

Član 5.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Fuad Šišić, s. r.**

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), Odluke